

tam fecisti, concede, ut temporali cursu fideliter peracto, sub alis misericordiae tuae vitam quietam & perpetuam consequatur.

Deus, qui corda fidelium S. Spiritus illustratione docuisti, da nobis in eodem Spiritu recta sapere, & de ejus semper consolatione gaudere.

Deus, qui salutis aeternae Beatæ Mariæ Virginitate fecunda humano generi præmia præstitisti, tribue quæsumus, ut ipsam pro nobis intercedere sentiamus, per quam meruimus auctorem vitæ suscipere, dominum nostrum Jesum Christum Filium tuum, qui tecum &c.

Y. Dominus vobiscum &c.

Benedictio Dei † Patris & Filii & Spiritus S. descendat super te & maneat semper.

R. Amen.

RITUS GENERALIS

BENEDICTIONUM.

In principio cujuslibet Benedictionis, præterquam in duabus sequentibus dicitur:

Y. Adjutorium nostrum in nomine Domini.

R. Qui fecit cælum & terram.

Y. Dominus vobiscum.

R. Et cum Spiritu tuo.

Deinde Oratio præscripta.... In fine fit aspersio aqua benedicta & ubi notatur, incensatio.

Bene-

*Benedictio domorum in Sabbato sancto
& tempore Paschali.*

Sacerdos ingressus domum dicat : Pax huic domui &c. Deinde aspergens aqua benedicta loca præcipua & inhabitantes, dicat:

Antiph. Vidi aquam egredientem de templo à latere dextro, Alleluja, & omnes, ad quos pervenit aqua ista, salvi facti sunt, & dicent Alleluja, Allel.

Psal. Confitemini Domino, quoniam bonus, quoniam in sæculum misericordia ejus.

Gloria Patri. Vidi aquam &c.

Ÿ. Ostende nobis Domine misericordiam tuam, Alleluja.

℞. Et salutare tuum da nobis, Alleluja.

Ÿ. Domine exaudi orationem meam.

℞. Et clamor meus ad te veniat.

Ÿ. Dominus vobiscum. ℞. Et cum &c.

O r e m u s.

Exaudi nos Domine sancte, Pater omnipotens, æterne Deus, & sicut domos Hebræorum in exitu de Ægypto agni sanguine linitas (quod Pascha nostrum, in quo immolatus est Christus, figurabat) ab Angelo percussente custodisti, ità mittere digneris S. Angelum tuum de cælis, qui custodiat, foveat, protegat, visitet, atque defendat omnes habitantes in hoc habitaculo per eundem Christum Dominum nostrum. Amen.

Nequeunt Regulares benedicere domus Diæcesis in hebdomada sancta. Congr. Conc. 21. Jul. 1620.

*Benedictio domorum extra tempus paschale
per annum.*

*Sacerdos aspergens, dicit: Asperges me, &c.
Ps. Miserere &c. Gloria. Asperges. V. Oстен-
de nobis, ut sup. sine Alleluja.*

V. Domine exaudi orationem meam. &c.

V. Dominus vobiscum. &c.

O r e m u s.

Exaudi nos Domine sancte, Pater omnipotens,
æterne Deus, & mittere digneris sanctum
Angelum tuum de cælis, qui custodiat, foveat,
protegat, visitet, atque defendat omnes habitan-
tes in hoc habitaculo. Per Christum &c.

Benedictio Loci.

O r e m u s.

Benedic Domine Deus omnipotens locum
istum (vel domum istam) ut sit in eo (vel in
ea) sanitas, castitas, victoria, virtus, humilitas,
bonitas, & mansuetudo, plenitudo legis, & gra-
tiarum actio Deo Patri, & Filio, & Spiritui S.,
& hæc Benedictio maneat super hunc locum,
& super habitantes in eo nunc & semper.
Rc. Amen.

Benedictio novæ domûs.

O r e m u s.

Te Deum Patrem omnipotentem suppliciter
exoramus pro hac domo, & habitatori-
bus ejus, ac rebus: ut eam benedecere, &
sanctificare, ac bonis omnibus ampliare digne-

ris: tribue eis Domine de rore cœli abundantiam, & de pinguedine terræ vitæ substantiam, & desideria voti eorum ad effectum tuæ miserationis perducas. Ad introitum ergo nostrum beneddicere & sanctificare digneris hanc domum, sicut benedicere dignatus es domum Abraham, Isaac & Jacob: & intra parietes domûs istius Angeli tuæ lucis inhabitent, eamque & ejus habitatores custodiant. Per Christum Dominum nostrum. R̄. Amen.

Benedictio novi Putei.

O r e m u s.

Deprecamur Domine clementiam pietatis tuæ, ut aquam putei hujus cœlesti benedictione † sanctifices, & ad communem vitam concedas salubrem: & ita ex eo fugare digneris omnem diabolicæ tentationis incursum, ut quicumque ex eo abhinc hauserit, biberitve, vel in quibuslibet necessariis usibus hausta aqua usus fuerit, totius virtutis ac sanitatis dulcedine perfruatur; ut tibi semper sanctificatori omnium Domino gratias agere mereatur. Per Christum Dominum nostrum. R̄. Amen.

Benedictio Thalami.

O r e m u s.

Benedic † Domine Thalamum istum, ut omnes habitantes in eo in tua pace consistant, & multiplicentur in longitudinem dierum, & ad regna cœlorum perveniant. Per Christum Dominum nostrum. Amen.

*Benedictio novæ Navis.**O r e m u s.*

Propitiare, Domine, supplicationibus nostris, & bene f̄dic navim istam dextera tua sancta, & omnes, qui in ea vehentur, sicut dignatus es benedicere arcam Noë ambulantem in diluvio: porrige eis Domine dexteram tuam, sicut porrexisti beato Petro ambulanti supra mare: & mitte sanctum Angelum tuum de cœlis, qui liberet & custodiat eam semper à periculis universis, cum omnibus, quæ in ea erunt: & famulos tuos, repulsis adversitatibus, portu semper optabili cursuque tranquillo tuearis, transactisque ac rectè perfectis negotiis omnibus, iterato tempore ad propria cum omni gaudio revocare digneris, qui vivis & regnas in sæcula sæculorum. R̄c. Amen.

*Benedictio super Fruges & Vinas.**O r e m u s.*

Oramus pietatem tuam omnipotens Deus, ut has primitias creaturæ tuæ, quas aëris & pluviae temperamento nutrire dignatus es, benedictionis tuæ imbre perfundas; & fructus terræ tuæ usque ad maturitatem perducas; tribuas quoque populo tuo de tuis muneribus tibi semper gratias agere, ut à fertilitate terræ esurientium animas bonis affluentibus repleas, & egenus & pauper laudent nomen gloriæ tuæ, per Christum Dominum nostrum. R̄c. Amen.

Bene-

*Benedictiones Esculentorum,
præsertim in Paschate.*

Benedictio Agni Paschalis.

O r e m u s.

Deus, qui per famulum tuum Moysen, in liberatione populi tui de Ægypto, agnum occidi iussisti in similitudinem Domini nostri Jesu Christi, & utrosque postes domorum de sanguine ejusdem agni perungi præcepisti: tu bene†dicere & sanctificare digneris hanc creaturam carnis, quam nos famuli tui ad laudem tuam sumere desideramus, per resurrectionem ejusdem Domini nostri Jesu Christi, qui tecum vivit & regnat Deus in sæcula &c. R̄c. Amen.

Benedictio Ovorum.

O r e m u s.

Subveniat, quæsumus Domine, tuæ bene†dictionis gratia huic ovorum creaturæ: ut cibus salubris fiat fidelibus tuis, in tuarum gratiarum actione sumentibus, ob resurrectionem Domini nostri Jesu Christi, qui tecum vivit & regnat in sæcula sæculorum. R̄c. Amen.

Benedictio Panis.

O r e m u s.

Domine Jesu Christe, panis Angelorum, panis vivus æternæ vitæ, bene†dicere dignare panem istum, sicut benedixisti quinque panes in deserto; ut omnes ex eo gustantes, inde cor-

poris & animæ percipiant sanitatem. Qui vivis
& regnas in sæcula sæculorum. *R.* Amen.

Alia.

O r e m u s.

Domine sancte, Pater omnipotens æterne
Deus, bene†dicere digneris hunc panem
tua sancta spiritali benedictione, ut sit omni-
bus sumentibus salus mentis & corporis: atque
contra omnes morbos & universas inimicorum
insidias tutamen. Per Dominum nostrum Jesum
Christum Filium tuum, panem vivum, qui de
cælo descendit, & dat vitam & salutem mundo:
& tecum vivit & regnat in unitate Spiritûs sancti
Deus, per omnia sæcula sæculorum. *R.* Amen.

"Benedictio novorum Fructuum.

O r e m u s.

Bene†dic Domine hos novos fructus N. &
præsta: ut qui ex eis in tuo sancto nomine
vescentur, corporis & animæ salute potiantur.
Per Christum Dominum nostrum, *R.* Amen.

Benedictio ad quodcunque comestibile.

O r e m u s.

Bene†dic Domine creaturam istam N. ut sit
remedium salutare generi humano; & præ-
sta per invocationem sancti Nominis tui; ut
quicumque ex ea sumpserint, corporis sanita-
tem, & animæ tutelam percipiant. Per Chri-
stum Dominum nostrum, *R.* Amen.

Bene-

Benedictio Olei simplicis.

Ÿ. Adjutorium nostrum in nomine Domini.

℞. Qui fecit cælum & terram.

Exorcizo te creatura olei per Deum Patrem † omnipotentem, qui fecit cælum & terram, mare, & omnia, quæ in eis sunt, omnis virtus adversarii, omnis exercitus diaboli, & omnis incurfus, omne phantasma sathanæ eradicare & effugare ab hac creatura olei, ut fiat omnibus, qui eo usuri sunt, salus mentis & corporis, in nomine Dei Patris † omnipotentis, & Jesu † Christi Filii ejus Domini nostri, & Spiritûs sancti † Paracliti, & in charitate ejusdem Domini nostri Jesu Christi, qui venturus est judicare vivos & mortuos, & seculum per ignem. ℞. Amen.

Ÿ. Domine exaudi orationem meam &c.

Ÿ. Dominus vobiscum &c.

O r e m u s.

Domine Deus omnipotens, cui astat exercitus Angelorum cum tremore, quorum servitium spirituale cognoscitur, dignare respicere & bene † dicere & sancti † ficare hanc creaturam olei, quam ex olivarum succo eduxisti, & ex eo infirmos inungi mandasti, quatenûs sanitate perceptâ, tibi Deo vivo & vero gratias agerent: præsta quæsumus, ut hi, qui hoc oleo, quod in tuo nomine bene † dicimus, usi fuerint, ab omni languore, omnique infirmitate, atque cunctis inimici insidiis liberentur, & cunctæ adversitates separentur à plasmate tuo, quod præ-

tioso sanguine Filii tui redemisti, ut nunquam lædatur à morfu serpentis antiqui, per eundem Dominum nostrum Jesum Christum Filium tuum, qui te cum vivit &c.

Aspergat oleum aquâ benedictâ.

*Benedictio Candelarum in festo S. Blasii
contra morbos Gutturis.*

Y. Adjutorium nostrum in nomine &c.

Y. Ora pro nobis S. Blasii.

R. Ut digni efficiamur promissionibus Christi.

Y. Domine exaudi orationem meam &c.

Y. Dominus vobiscum &c.

O r e m u s.

Omnipotens & clementissime Deus, qui omnium mundi rerum diversitates solo verbo creasti, & ad hominum reformationem illud idem verbum, per quod facta sunt omnia, incarnari voluisti: qui magnus es & immensus terribilis atque laudabilis & faciens mirabilia: pro cujus fidei confessione gloriosus Martyr & Pontifex Blasius diversorum tormentorum genera non pavescens Martyrii palmam feliciter est adeptus; quique eidem inter cæteras gratias hanc prærogativam contulisti, ut quoscunque gutturis morbos tua virtute curaret: Majestatem tuam suppliciter exoramus; ut non intuitu nostri reatus, sed ejus placatus meritis & precibus, hanc creaturam cere bene + dicere & sancti + ficare tua pietate digneris; ut omnes, quorum colla per eam bona fide tacta fuerint, à quocunque gutturis morbo ipsius passionis
meri-

meritis liberentur, & in Ecclesia sancta tua sani & hilares tibi gratiarum referant actiones, & laudent nomen tuum gloriosum, quod est benedictum in sæcula sæculorum. *R.* Amen.

Aspergantur aqua benedicta. Sacerdos post Missam aut aliàs indutus Stola ac Albâ sive Superpelliceo accensos duos benedictos cereos in forma Crucis sub mento cujusvis benedicendi genuflexi tenens, dicat:

Per intercessionem S. Blasii Episcopi & Martyris liberet te Deus à malo gutturis & quolibet alio, in nomine Patris † & Filii & Spiritûs S. Am.

Benedictio pabuli animalium.

V. Adjutorium nostrum in nomine &c.

Antiph. Benedicat Dnus hanc creaturam pabuli, falis, hordei, avenæ, siliginis, Amen.

Psal. 125.

In convertendo Dominus captivitatem Sion: facti sumus sicut consolati.

Tunc repletum est gaudio os nostrum: & lingua nostra exultatione.

Tunc dicent inter gentes: magnificavit Dominus facere cum eis.

Magnificavit Dominus facere nobiscum: facti sumus lætantes.

Converte Domine captivitatem nostram: sicut torrens in Austro.

Qui seminant in lacrymis: in exultatione metent.

Euntes ibant & flebant: mittentes semina sua,

Veni.

Venientes autem venient cum exultatione: portantes manipulos suos.

Gloria Patri, & Filio &c.

Kyrie eleison, Christe eleison, Kyrie eleison.

Pater noster,

Ÿ. Salvos fac servos tuos & ancillas tuas.

R. Deus meus sperantes in te.

Ÿ. Et si mortiferum quid biberint.

R. Non eis nocebit.

Ÿ. Gustate & videte, quoniam suavis est Dnus.

R. Beatus homo, qui sperat in eo.

Ÿ. Domine exaudi orat. &c.

Ÿ. Dominus vobiscum &c.

O r e m u s.

Domine Deus omnipotens, creator cœli & terræ, Rex regum & Dominus dominantium, exaudi nos famulos tuos clamantes & orantes ad te, qui omnia de nihilo creasti, & hoc pabulum cum cæteris creaturis ad usus animalium, & ad eorum nutrimentum fecisti; quæ quidem animalia in adiutorium & sustentationem hominum creasti: Te humiliter deprecamur, ut has creaturas avenæ, falis &c. quæ ad usus animalium & sanitatem eorum sive in terra, sive in aqua degentium creasti, per invocationem tui sancti Nominis & per intercessionem Beatæ Mariæ semper Virginis & per preces omnium Sanctorum tuorum benedicere † & sanctificare digneris; ut animalia, quæ ex eis gustaverint, sanitatem integraliter recipiant, per Te Jesu Christe, cujus solo verbo omnia restaurantur, Salvator mundi, Rex æternæ gloriæ,

riæ, qui in Trinitate perfecta cum Patre & Spiritu sancto vivis & regnas in sæcula sæculorum.

R. Amen.

O r e m u s.

Deus, qui temporibus Eliæ Prophetæ cælum à nubibus restringendo clausisti & rursus aperiendo te mirabilem ostendisti, exaudi preces plebis tuæ, ut per unigenitum tuum, quem consubstantialem & coæqualem tibi in Divinitate credimus, & per Spiritum S. Paraclitum, quem ab utroque procedere confitemur, benedicas † & sanctifices hunc salem, avenam, hordeum & siliginem, &c. ut quæcunque animalia ex eis gustaverint, adjutorium sanitatis & incolumitatis recipiant, per Te Domine Sancte Pater, qui cum Filio & Spiritu sancto vivis & regnas in sæcula sæculorum. Amen.

Benedictio Dei omnipotentis Patris † & Filii & Spiritus sancti descendat super hanc creaturam avenæ, hordei, siliginis & salis &c.

R. Amen.

Benedictio Salis pro animalibus.

O r e m u s.

Deus invisibilis & inæstimabilis, pietatem tuam per sanctum & tremendum Filii tui nomen suppliciter deprecamur, ut in hac creatura salis benedictionem † & potentiam invisibilis operationis infundas; ut animalia, quæ necessitatibus humanis tribuere dignatus es, cum ex eo acceperint vel gustaverint, benedictio † & sanctificatio tua ab omni ægrotudinis & læstionis

nis

nis incurſu te protegente custodiat. Per eundem Christum Dominum nostrum. Amen.

O r e m u s.

Domine sancte, Pater omnipotens, æterne Deus, defende, quæsumus, omnia animalia nostra per hanc creaturam salis & aquæ; quæ morbis & infirmitatibus vexantur, eaque propitius sanare dignare. Per Christum Dominum nostrum. R. Amen.

Benedictio animalium Peste infectorum.

O r e m u s.

Misericordiam tuam, Domine, supplices exoramus, ut hæc animalia, quæ gravi infirmitate vexantur, in tuo Nomine atque tuæ benedictionis † virtute sanentur: Extinguatur in eis omnis diabolica potestas, & non ulterius ægrotent, Tu eis sis sustentaculum vitæ & remedium sanitatis. Per C. D. N. Amen.

Benedictio salis & aquæ contra Vermes & Aves &c.

O r e m u s.

Domine sancte, Pater omnipotens æterne Deus, mitte sanctos Angelos tuos, ut defendant segetes nostras à verimibus malis & avibus &c. & magnificetur nomen tuum in omni loco. Per Christum Dnum nostrum. Amen.

O r e m u s.

Benedic † Domine hanc creaturam aquæ, ut fugiant vermes & volucres &c. à nostris segetibus.

segetibus propter nomen D. N. J. C. quod invocatum est in ipsa creatura messis, ut fiat alimentum omnibus, qui vivunt ex ea. Per Christum Dominum nostrum. *Rc. Amen.*

*Benedictio Equorum caterorumque
animalium*

Per intercessionem S. Antonii Abbatis.

Romæ usitata & institut. 47. Prosp. Lambertini post Papæ Benedicti XIV. præscripta.

O r e m u s.

Deus refugium nostrum & virtus: adesto piis Ecclesiæ tuæ precibus, & præsta, ut quod fideliter petimus, efficaciter consequamur. Per Christum Dominum nostrum. *Rc. Amen.*

O r e m u s.

Omnipotens sempiterne Deus, qui gloriosum B. Antonium Abbatem variis tentationibus probatum inter mundi hujus turbines illæsum transire fecisti, concede famulis tuis, ut & præclaro ipsius proficiamus exemplo, & à præsentis vitæ periculis ejus meritis & intercessione liberemur. Per Xium Dnum nostrum. *Rc. Amen.*

O r e m u s.

Benedictionem tuam Domine hæc animalia (hoc animal) accipiant, qua corpore salventur (salvetur) & ab omni malo per intercessionem B. Antonii liberentur (liberetur) per Christum Dominum nostrum. *Rc. Amen.*

Deinde aspergat aqua benedicta.

Bene-

*Benedictio contra Mures, Locustas, Bruchos,
& Vermes noxios.*

*Benedictus Papa XIII. in usum eam invenit
& Bened. XIV. quâ Archiep. Bonon. præscripsit
instituzione 47.*

Antiph. Exurge Domine, adjuva nos, & libera nos propter nomen tuum.

Psal. Deus auribus nostris audivimus & patres nostri annuntiaverunt nobis.

Gloria Patri, &c.

Repetitur Antiph.

Y. Adjutorium nostrum in nomine Domini.

R. Qui fecit cælum & terram.

Y. Domine exaudi orationem meam.

R. Et clamor meus ad te veniat.

Y. Dominus vobiscum &c.

O r e m u s.

Preces nostras quæsumus Domine clementer exaudi, ut qui justè pro peccatis nostris affligimur, & hanc Murium (Locustarum, *vel Vermium*) persecutionem patimur, pro tui nominis gloria ab ea misericorditer liberemur, ut tuâ potentia procul expulsi (expulsæ) non noceant, & campos agrosque nostros in tranquillitate ac quiete dimittant, quatenus ex eis surgentia, & orta tuæ Majestati deserviant, & nostræ necessitati subveniant. Per Christum Dnum nostrum.

R. Amen.

O r e m u s.

Omnipotens sempiterne Deus, omnium bonorum Remunerator & peccatorum maximus

mus Miserator & in cuius nomine omnia genua flectuntur, cœlestium, terrestrium & infernorum; tuâ potentiâ nobis peccatoribus omnipotenter concede, ut quod de tua misericordia confisi agimus, tuâ gratiâ efficacem consequamur effectum, quatenûs hos pestiferos Mures (Locustas vel Vermes) per nos servos tuos maledicendo maledicas, segregando segreges, exterminando extermines, ut per tuam clementiam ab hac peste liberati gratiarum actiones Majestati tuæ liberè referamus. Per Christum Dominum nostrum. R̄. Amen.

Exorcizo vos pestiferos Mures (Locustas vel Vermes) per Deum Patrem omnipotentem † & Jesum Christum Filium † & Spiritum S. ab utroque procedentem † ut confestim recedatis à campis & agris nostris, nec ampliùs in eis habitetis, sed ad ea loca transeatis, in quibus nemini nocere possitis, pro parte omnipotentis Dei, & totius Curiaë cœlestis, & Ecclesiaë sanctæ Dei vos maledicens, ut quocunque eritis, sitis maledicti (maledictæ) deficientes de die in diem in vos ipsos (ipsas) & decrefcentes, quatenûs reliquiæ de vobis nullo in loco inveniuntur, nisi necessariae ad salutem & usum humanum, quod præstare dignetur, qui venturus est iudicare vivos & mortuos, & seculum per ignem. R̄. Amen.

Postremò loca infecta aspergantur aqua benedicta, cui etiam addi potest Benedictio salis & aquæ contra vermes &c. superiùs posita.